

a2<sup>r</sup>

Der wolgebornen  
 Greuin vnd Frawen/ frawen Margarethen/  
 Greuin zu Rieneck Wittwen/ gebornen Greuin zu  
 Erpach/ vnd Frawen zu Prewburg/ meiner genedigen Frawen.  
 Gnad vnd friede von Gott/vnd vnferm einigen  
 Heylande/ Jefu Chrifto.

Wolgeborne Greuin/ Ge-  
 nedige Frawe. Es haben bei-  
 de vor zeiten/ die heiligen ho-  
 hen Propheten Daud vnd  
 Efaias im alten Teftament:  
 vñ bald auff die heilige mēfch-  
 werdung vnd geburt vn-  
 fers Herren Jefu Chrifti/ der  
 fromme alte Prophet Simeon geweiffaget/ Das vn-  
 fer Herr Chriftus ein folcher ftein fein wurde/ an dem  
 fich nicht allein viel arme vnd betrübte funder auff-  
 richten vnd felig werden/ fonder auch viel freche/ wei-  
 fe/ gewaltige vnd heilige leut vor der welt/ fich daran  
 fchröcklich ftossen vnd fallen wurden.

Welchs zwar das Werck jeder zeit wol bewifen/ vñ  
 die erfahrung felbs mit fich bracht hat. Dañ wie fich  
 die Juden vnd Jfraeliter/ an Chrifti Perfon/ feinen  
 worten vnd wercken/ fürnemlich aber an dem Werck  
 vnferer erlöfung geergert vnd geftoffen: Das finden  
 wir vberflüßig in den fchrifften der Heiligen Apoftel  
 vnd Euangeliften.

Wie vilfeltig vñ fchröcklich aber/ bald nach der Hi-  
 melfahrt Chrifti/ der Teuffel/ mit feinem anhang in  
 der welt/ fich wider die Perfon vñ ampt Chrifti auff-  
 gelehnet/ vñ mit vnzelichen irrthumben verfelfchun-  
 gen vnd ergernuffen gefetzt: das zeugē alle glaubwür-  
 dige Hiftoriē/ in der kirchen Chrifti ordenlich befchri-  
 a ij            ben/

a2<sup>v</sup>

## Vorrede.

ben/ sampt so vielen Concilien vñ ftattlichen vnterhandlungē/ in denen man ſich vnterwunden/ die reine felige leere von vnferm Herren vnd Heylande Jeſu Chriſto zůerkleeren/ zůverfechten vñ zu erhalten.

Dañ weil vnſer Herr vñ Heyland Jeſus Chriſtus/ vns vō Gott iſt allein zur Weißheit/ Gerechtigkeit/ Heiligkeit vñ erlöfung gemacht vñ gegeben worden: auff das/ wer ſich rhūmē wōlle/ ſich allein des Herrē rhūme/ vñ aber dargegē der Teuffel/ ein abgefagter Ertzfeinde des Sons Gottes iſt/ vñ dem armen menſchlichē geſchlecht/ ſein Heyl vñ feligkeit nicht gōñer: auch ſein Reich/ anſehen vnd rhūm vnter den armen menſchen mit gewalt habē wil. Daher kompt es/ das er ſo viel jemerlicher erbermblicher jrrthumb vñ Kezereyen/ ſampt graufamer vervolgunꝝ vñ mord/ jeder zeit erreget vnnd anftiftet: auff das Chriſtus der Herr alfo mit ſeinem kleinen heufflein/ mitten vnder ſeinen feinden herrſche vnd regiere/ vnnd ſeine krafft in den ſchwachen mechtig vnd herrlich werde.

Dann wie der Teuffel mit ſeinem anhang die warheit vnzelicher weiße verfelſchet: vnd viel menſchen in das verderben fūret: alfo erhelt auch Chriſtus durch trewe eyferige Hirten/ ſein reine leere vnd glauben in der welt/ wie ſollichs alle alte vñ neue Hiſtorien außweiſen vnd augen ſcheinlich bezeugen.

Vnd damit ich nicht eine Hiſtoriē ſchreibe/ welchs von andren offtmalen vñ trewlich beſchehen iſt: ſonder allein eine kurte erinnerung herfür bringe: ſo hat der Teuffel bald nach des Herrē Chriſti Himelfahrt/ noch zur zeit der Heiligen Apoſtel/ von allen orthen in diſer welt/ grawfame krieg vñ fturmwinde/ wider das Liecht der leere von der Perſon vnd ampt Chriſti/ angefangen zu erwecken/ vnd iſt mit ſeinem wūten vnd toben immerdar fůrgefahren/ laſſet auch nit nach/ biß zu der letſten zukunfft Chriſti/ vnnd dem Jüngſten gericht.

Dann

a3<sup>r</sup>

## Vorrede

1. Dañ ettliche habē die Göttliche natur Chrifti verleugnet: doch jeder nach feinem gedichte: vnd jhn allein für einen menfchen gehalten: als Cerinthus, Ebion, Noetus, Sabellius, Artemon, Theodotus, Paulus Samofatenus, Arius Photinus, vnd andere.

2. Die anderē aber/ haben ſich wider feine warhaftige menfchliche natur gelegt: vñ jhn nicht wöllē bekennen vñ ſein laffen einen wahren vnd vollkommenen menſchē/ wie wir ſind/ außgeſchloffen die ſünde/ der nemlich leib vnd feel/ vñ alle menfchliche eigenſchafften/ ſchwachheiten vñ wirkungen/ an ſich genomēn habe.

Difer meinung ſeind gewefen/ Simon der Zeüerer/ vnd nach jme Saturninus, Baſilides/ Carpocrates, Marcion, Apelles, Manes, vñ die Manicheer/ Valentinus, vñ andere jrs gleichen: welche alle/ wiewol vngleichere weiße/ geleert haben: Chriftus ſey nur ein geſpenſte gewefen: habe weder warhaftigen leibe noch feele gehabt: fonder was die leut an jhme gefehen/ gehört/ vnnd gegriffen/ das ſey nur ein lediger dünckel vnnd ſchein/ vnd ein eufferliche geſtalt gewefen: habe auch von dem fleiſche der Heiligen Jungckfrawen Maria gar nichts genommen.

Es hat auch wider die wahre volkomne menſcheit Chrifti Apollinarius mit feinen Jüngeren den Dimeriten getritten: welcher leſterung ſich hernach/ (wie es dann zū gefchehen pflaget/ wenn man ein mal von dem richtigen wege abtrittet) wider beide naturen Chrifti vñ jre eigenſchafften/ auch wider derſelbigen vereinigung gemeeret: wie man das auß der Epiftel des Heiligen Athanaſij an den Epictetum/ vnd auß diſen dreyen geſprechen des Heiligen Theodreti ſehen vnd erkennen kan.

Zu diſen ſetzt der Heilige Hieronymus auch die Originen: welche leerten/ das aller menſchen aufferweckte leichname/ ſo wol als Chrifti des Herren leib ſelbs/ würden die natur vnnd wesenliche eigenſchafften

a3<sup>v</sup>

## Vorrede.

ten eines leiblichen/ sichtbaren/ empfindlichen vnd begreiflichen vmbfchribnen leibs nicht meer gaben vnd behalten: fonder würden in ein geiftlich vn- sichtbar vnd vnmbgreifflich wesen verwandelt werden.

3. Die dritten haben fich an der vereinigung beider naturen in des Herren Chrifti einigen perfon geflo- fen/ vnd die perfon getrennet: vnd auß zweyen vn- gleichen naturen/ nemlich feiner ewigen Gottheit/ vnd feiner in der zeit angenomner Heiligen men- fcheit/ zwo befondere perfonen gemacht. Difen jrr- thumb hat Neltorius vnd feine Jünger die Nefto- rianer verfochten.

4. Die vierdten haben dargegē in der vereinigung beider naturen in Chrifto/ difen jrrthumb getribent Das wie Neltorius beide naturen in zwo perfonen getrennet hat: alfo haben dife die zwo naturen mit jren eigenschafften vnd wirckungen/ one vn- terfcheide vermifchet vnd vermenget. Dife wolten alles in Chrifto fo gar einig haben: das fie auch gar keinen vn- terfcheide der naturen/ oder jrer eigenschafften vnd wirckungen zulieffen: kamen endlich dahin: das fie im grund alfo/ weder einen wahren Gott/ noch einen wahren menfchen in dem Herren Chrifto behielten.

Difen jrrthumb leerete der verfûrer Eütiches/ mit feinen Jüngeren: welche fich hernach meer dann in zwelff Secten getrennet/ vnd vielerley fpaltung fre- fel vnd fchaden angerichtet vnd gethan haben. Auff fie find auch die Acephali/ Monophyfitē/ Jacobitē/ Aemnoitē vnd vil andere/ vñ hernach auch die Mono- theletē gevolget: welche fagtē vnd fritten/ in Chrifto were nur einerley willen vñ wirckung: beharreten al- fo dife jrrthumb vñ fpaltungen fo lang: bis Gott zur fchröcklichē ftraffe/ vñ feiner Kirchē zu einē fpiegel/ den Mahometifchē gewalt/ vnd das Saraceniſche reich hatlaſſen vber den Orient kommen/ vnd die kirchen

a4<sup>r</sup>

## Vorrede.

kirchen endlich zu grund richten vnnd verwüften.

5. Die fünfften habē mit groffem hauffen jeder zeit das heylfame felige ampt/ vnd den tewren verdienfte vnd wolthaten vnfers Herren Jefu Chrifti/ verdunckelt/ verkleinert/ verworffen vnd verfehmecht. Difer jrrthumb wird noch heutigs tags im Bapftumb vnd bey allen werckheiligen vnd heuchlern getriben vnnd verfochten/ welche das arme volck von dē einigen verdienfte vnd fürbitte vnfers Herren vñ Heylands Jefu Chrifti/ auff eigne werck/ gerechtigkeit/ verdienft vnd auff andere mittler vnd fürbitter weifen.

Wie aber nu der leidige Teuffel/ durch dife graufame jrrthumb/ ye vñ allwege vnter den armē menſchē ſchröcklich gewütet/ vnd mercklichen ſchaden gethan hat/ als er dañ/ leider/ auch zu difer letften zeit auffſgrimigft vñ hefftigfte tobet/ vñ nicht allein in fremb dē landē/ fonder auch mittē in der löblichē Deutfchē Nation/ ja in den reformirtē kirchen felbs/ vorgemelte lefterungē Chrifti auß feinem Hellifchen pful wide rumb erweckt vnd herfür zeucht: Alfo hat dargegen vnfer groffe Gott vñ Heyland Jefus Chriftus/ im̄er vñ allwege/ auch feine ſtarcke band herauß geftreckt/ vñ mit feinem mechtigē arme/ durch tewre vñ großmühtige Heldē/ das liechte reiner leere/ vō feiner perfon vnd feligem heylfamen ampt/ gewaltiglich verfochten vnd erhalten vnd endlich feine feind vnd widerwertige lefterer geftürzt/ vñ vor aller welt zuſchanden gemacht: feine liebhaber aber/ vnd Chriftliche ritte/ wunderbarlich erhalten: vnnd feiner göttlichen warheit endlich den Triumph vnd ſige gegeben.

Vnter follichen Chriſtenlichen rittern vñ verfechten Chrifti/ feines worts/ perfon vñ ampts/ iſt difer vnfer Theodoretus/ nit der geringſt vñ wenigſt gewefen: welcher als ein außerleſner tewrer vnd kōſtlicher werckzeuge Gottes/ in feine biſtum̄ in d<sup>o</sup> ſtatt Cyro in Syriē (da er dañ vber achthūdert Pfarrkirchē

ein

a4<sup>v</sup>

## Vorrede.

ein trewer Ertzhirt/ vnnd aufffeher gewefen) nicht allein reine heylfame leere von Chrifto dem Herren gefürt vnnd erhalten/ fonder auch falche verkeerte vnd verdammliche leere widerfochten/ vnd mit grunde Göttlichs worts ftattlich widerlegt hat: wie dann auß difen dreyen Dialogis vnd gefprechen/ ein jeder guthertziger vnnd verftendiger Chrift gar fein vnnd tröftlich fehen kan.

Wiewol man aber/ in difen dreyen gefprechen/ eigentlich finden mag: was wider alle vorgemelte jrrthumb vnd jrs gleichen/ nach laut der heiligen Göttlichen gefchrifft/ vn̄ dem einhelligen allgemeinē confens vnd glauben/ der alten noch gar reinen kirchen vnnd braut Chrifti/ zu halten fey: yedoch leeret difes Büchlein (als in einem fürnemen ftuck des Catechismi vom erkañtnus Chrifti) vorab/ was man von der einigen vnzertrennten Perfon des Herren/ vnd von feinen beidē vn̄terfchidlichen naturē/ auch jren ewigwerendē eigenfchafften/ feliglich glauben vn̄ bekennen fol: vn̄ welcher gefalt/ die wunderbarliche vereinigung beider naturen/ zum werck vnd ampt vn̄fers heyls vn̄ feligkeit in Chrifto/ auß vn̄außprechlichem rhat Gottes/ feye befchehen. Darauß ein jeder gleubiger Chrift wol abnemen vnd erkennen wird: das wer da wil felig werden/ der müffe nicht allein in der erkanntnus der perfon Chrifti/ in welcher beide naturen zufamen vereinbaret find/ fonder auch im glauben/ von feinem feligmachenden ampt rechtſchaffen erleuchtet fein vnd erfunden werden.

Darumb dann eben der leidige Sathan vorzeiten am meiften feine lefterung wider die perfon Chrifti außgefpeyet: Hernach aber/ vnnd im Bapftumb vorab/ fürnemlich vnnd befonder das ampt Chrifti verſcharren vnd vergraben hat: Zu difer zeit aber/ als von dem feligen ampt Chrifti auß befonderer Göttlicher gnade auffs new abermal rein geleeret wird:

b1<sup>r</sup>

## Vorrede.

wird: der leidige giftige teuffel/ widerumb die person vnd beide naturen in Christo angreiffet: damit er seiner alten art nach/ hie durch auch zugleich das heylfame ampt Christi vnnd vnser erlöfung in Christo wahren Gott vnd menschen/ vns armen menschen rauben vnd zu nichten machen müge. Welchen arglistigen betrug des teuffels/ dieses schône vnd hochnützliche Büchlein gantz artig entdeckt/ vnd gewaltig an das liecht herfür bringet.

Vnd weyl wider oberzelete irrthumb/ vier allgemeine vnd herrliche Concilia (Nach dem Apostolischen Concilio zu Jerufalem/ welchs fürnemlich von wegen des Ampts Christi verlamlet gewesen) vor zeiten gehalten worden sind: Nemlich/ das Nicenisch/ Constantinopolitanisch/ Ephesisch vnd Chalcedonensisch/ deren symbola vnd jeres glaubens bekantnußen/ in Catholischer allgemeiner Christlicher kirchen/ zu allen zeiten jeher/ vnd auch zu dieser zeit in Augtburgischer Confession/ für recht vnd der heiligen Göttlichen schrift gantz gemeß erkent vnd gehalten worden seind: So erkleeret/ verfichtet vnd vertheidiget doch vnser Theodoretus in diesem seinem büchlein fürnemlich das symbolum oder bekantnus des glaubens/ so die heilige vetter/ in dem vierdten haupt Concilio zu Chalcedon/ aus vestem grande heiliger Prophetischer vnd Apostolischer leere/ bekant haben: In welchem symbolo vorgemelte vetter/ gleichwol auch der anderen dreyen vohrgehenden Haupt Concilien glauben vnnd bekantnus widerholt vnd bestetiget haben.

Befonders aber trifft vnser Theodoretus des Apolinarij vnd seiner Dimeriten vilköpfigen irrthumb/ welche (wie vorgemeldet) jres meisters leere in vilen stücken gemeert haben: wie dann auch jr eigen meister/ in vilen dingen jm selber tracks zu wi-

b der ge-

b1<sup>v</sup>

## Vorrede.

der gewefen/ wie in dann Theodoretus mit feinen eignen fchriefften vberweiffet.

Es leeret aber vnd zeuget vnfer Theodoretus in fumma: das in dem Herren Chriſto/ ein einige vnzer-  
trente perfon/ vnd zwo vnferfchidliche naturen fey-  
en: Nemlich/ das ewige wort des ewigen vatters: vñ  
die angenomne mēfchliche natur. Vñ das/ wie Theo-  
doretus den Hilarium anzeucht/ Gott das ewige  
wort/ daher wahrer menſch fey/ weil er alles was der  
menſch iſt vnd hat/ auffnimpt: vnd herwiderumb/ d<sup>9</sup>  
angenomē menſch/ daher wahrer Gott fey/ weyl er al-  
les was Gott das ewig wort iſt vnd hat/ auffnimpt:  
vnd derhalben Chriſtus wahrer ewiger Gott fey/ in  
feiner weſentlichen ewigen vnd warhaftigen Gott-  
heit: vnd wahrer menſch/ in vnfer angenommenen we-  
ſentlichen vnd warhaftigen menſcheit. Vnd d<sup>3</sup> ein  
jede natur jre eigenſchafften in ewigkeit behalte: vnd  
die zwo naturen wol zuſamē vereinbaret/ aber doch  
keine im weſen verenderet/ oder mit der anderen on  
vnferſcheide vermifcht vnd vermenget feye.

Das die Göttliche natur/ von ewigkeit vnwandel-  
bar/ vnleidenhaftig/ vnſichtbar/ vnermeßlich/ vn-  
erſchöpflich/ vnbegreiflich/ vnendtfam vnd vnem-  
pfindlich fey: Dargegē aber die menſchliche/ zeitlich  
angefangē habe zu fein/ das ſie auch ſichtbar/ vmb-  
ſchriben/ endtfam/ abgemeffen/ vmbgreiflich vñ em-  
findlich fey/ vñ ewiglich bleibe: vor der verklerung  
auch leidēhaftig/ vñ mit allē menſchlichē gebrechen  
vñ ſchwachheitē/ warhaftig vñ gar in keinem geſpen-  
ſte/ doch on alle fünde/ beſchwert vñ beladē gewefen.

Er redet befond<sup>9</sup> grüntlich vō dem weſen/ natur/  
eigenſchafftē vñ warheit d<sup>9</sup> angenomnē menſchlichē  
natur in Chriſto/ auch nach jrer verkleerung vñ erhō-  
hung/ vñ wie die annemūg vñ vereinigung/ vmb vn-  
fers heyl vñ feligkeit willē/ auß gnedigē vnerforſchli-  
chem willen vnd rhat Gottes beſchehen fey/ vnd ew-  
iglich bleibe.

Er

b2<sup>r</sup>

## Vorrede.

Er leeret vnd zeuget/ das die Perfon Chrifti nicht getrent werde: wenn man gleich die naturen (als in dem menfchen leib vnd feele) vnterfcheidet/ vnd jeder natur/ was jren eignet/ zugibt.

Er leeret gründtlich/ wie man die Communicati-  
onem idiomatum verftehn fol/ vnd wie weyt fie fich er-  
ftrecke: Das ift/ die art form vnd weife der fchrifft vñ  
dem Herren Chrifto zu reden da man nemlich/ was  
eigentlich nur der einen natur zuftehet/ nichts defto  
weniger in der rede/ der perfon Chrifti vnd den ver-  
fönlichen namen/ recht zugibt: als da die fchrifft  
fpricht: Des menfchen fon fey im Himel gewefen/ da  
er doch auff erden noch war. Vñ der Herre der herr-  
lichkeit feye gecreutziget worden. Dann Chriftus ift  
in beiden naturen ein einige perfon/ wie leib vnd fee-  
le ein einiger menfch ift.

Joan. 3.

1. Corinth. 2.

Er leeret/ das Chriftus nicht in feiner Gottheit/  
fonder in feiner menfcheit gelitten habe: vnd feinen  
leibe warhaftigklich vom tode aufferweckt. D3 auch  
vnfere leichnam vom tode erftehn vñ feinem verkleer-  
ten leibe/ in jrer maaß/ gleich förmig fein werden. Er  
leert auch vñ zeuget vom wahren verftande/ der ficht-  
baren vnd leiblichen Himelfart Chrifti/ vnd derfelbi-  
gen feligen frucht vnd troft: von feiner leiblichen wo-  
nung im Himel/ vnd fitzen zur rechten des vatters:  
von feinem hohenprieftlichen ampt: von feiner mit-  
lung/ fürbitte vnd ewigen kōnigreich: von feiner leib-  
haftigen fichtbaren zukunfft zum Jüngftē gericht/  
vnd vom ewigen leben an leib vnd feele.

Er leeret/ das Brot vnd Wein/ in des Herren  
Nachtmal/ in jrem wesen vnd natur/ nicht ver-  
wandelt/ fonder nur aus gemeinem brauch/ in  
einen Heiligen Sacramentlichen gebrauch ge-  
zogen vnd verenderet werden. Er nennet das  
Brot vnnd den Wein des Herren/ typos vnnd  
antitypa: das ift/ Bilder vnnd gegenbilder: des

b ij Herren

b2<sup>v</sup>

## Vorrede.

Herren leibe aber/ nennet er ein Archetypon/ d3 ift/  
das rechte vorbilde/ welchs durch die zeichen abgebil  
det oder fürgebildet wirdt. Er leeret/ das die namen  
der zeichen/ vnd der verzeichneten ding miteinander  
verwechßlet werden: zeiget auch difer verwechß  
lung vrfach an/ vnd warumb Chriftus der Herr/ dē  
zeichen vnd bildern/ den namen feines gecreutzigten  
leibs vnd vergoßnen bluts gegeben habe. Er bewi  
set auch aus den zeichen des Nachtmals/ das Chri  
ftus einen warhafftigen/ menschlichen/ fichtbaren  
vnd begreifflichen leib habe/ vnd denfelben vnveren  
dert in ewigkeit behalte.

Er ftreitet auch gantz artig wider die jenigen/  
welche jre eigne gedichte/ mit der Göttlichen allmech  
tigkeit erfreiten vnd erhalten wöllen.

Welche ftuck/ vnd jrs gleichen vaft alle/ zu difer vn  
ferer jemerlichen vnd verkeertē zeit/ leider/ in groß  
em feindtlichen fpann vnd gezencke find: daruon  
doch die alte reine kirch vnd braut Chrifti fatten/  
richtigen/ einhelligen vnd tröftlichen verftande ge  
habt: vnd dieselben wider den Teuffel vnd falſche lee  
rer ftattlich auch bis zum blut/ verfochtē vñ verthei  
diget hat Wie daß auch vnfer Theodoretus in difem  
feinem ſchönen büchlein/ trewlich vñ ritterlich thut.

Was er aber leeret vnd erftrittet: Das gründet er  
erftlich auff den ftarcken vnbeweglichen felfe des hei  
ligen Göttlichen worts: zum anderen/ auff gute  
ftattliche beftändige gründe vnd vrfachen: zum drit  
ten/ auff den Confens vnd einhelligen allgemeinen  
glauben vñnd bekantnus/ der fürtrefflichften  
liechter vnd leerer/ in der alten reinen vnd Apoſto  
lifchen kirchen Chrifti: hebt hiemit bey guthertzigen  
Chriften/ allen zweifel auff. Vnd ift Theodoretus  
hoch darumb zu loben/ das er viler heiliger alten  
leerer vnd trewer biſchoffen/ ſchöne/ ja gantz gul  
dine früche/ in diß fein Büchlein auff gezeichnet  
hat:

b3<sup>r</sup>

## Vorrede.

hat: deren ettlicher bücher fonft gar vntergangen  
vnd verlohren feind.

Jch gefchweige allhie/ das vnfer Theodoretus/  
viel herrlicher ſprüche der heiligen Propheten vnnd  
Apofitel/ gantz artig vnnd wol erkleeert/ welche vor  
zeiten die ketzer jemerlich verkeert haben/ vnnd noch  
heutigs tags erbermbklich von newen ſcribenten  
verkeert werden. Da er dann auch mit vilen exem-  
peln leeret/ das man nicht allweg an dem rohen buch-  
ftaben halßtarriger weiße hangen/ fonder den rech-  
ten verftande rechtmeißiger weiße ſuchen vnd erklee-  
ren ſol.

Was aber von difem Theodoreto/ die alte reine  
kirch zu feiner zeit gehalten habe/ das bezeuget das  
vierdte haupt Concilium/ zu Chalcedon gehalten:  
in welchem die fechs hundert vnd fechs vnd dreyßig  
heilige vetter/ jhme mit groffem frolocken vnd einhel-  
liger ftimme zugeruffen/ vnd jhn einen Catholifchen  
vnnd rechtgleubigen hirten vnd leerer der kirchen  
Chrifti gerhüemet haben: Auch der heilige Biſchof  
zu Rom/ Leo/ in feiner Epiftel an dē Theodoretū ſel-  
ber gefchribē/ da er ſpricht: Gelobet ſey vnfer Gott/  
welchs vnvberwindtliche warheit/ dich nach des A-  
poftolifchen ftuls vrtheil/ für einen leerer/ der von al-  
ler ketzerey vnbefleckt vnd rein ift/ erkennt vnd erwi-  
ſen hat. Dann welche nauos vnd maafen/ jhm ettl-  
che neue ſcribenten zulegen/ die befinden ſich nicht  
allein an vnferm Theodoreto gar nicht/ fonder man  
lifet in feinen worten grad das widerſpil. Darumb  
ein jeder billich die augen auffthun ſol/ vnd wol zu-  
ſehen/ was er leſe.

Vnnd dieweil wir aus difem Büchlein ſehen vnd  
erkennen/ das zu difer vnfer zeit/ gleich eben das jeni-  
ge in den ftreit gezogen wirdt/ da wider Theodore-  
tus gefchriben vnnd geftritten hat/ vnnd aber viler  
hoch vnd rechtgeleerter menner gute nützliche ſchriff

b iij ten/

b3<sup>v</sup>

## Vorrede.

ten/ das ſchedliche gezencke/ nicht allein nicht auffheben vñ ftillen mügen/ fonder die widerpart nur dadurch v<sup>9</sup>bitteret wirdt: So ifts nicht allein nützlich/ fond<sup>9</sup> auch hoch notwēdig/ wil mā des leidigē ftreits ein mal abko<sup>m</sup>en/ dz mā beide parteyē abtret<sup>t</sup>ē laffe: vnd hōre aus difem Büchlein/ dem Göttlichē wort/ vnd den alten reinen rechtgleubigen leerern zu/ vnd laffe ſie (als die von aller anfechtung frey feind) aus Prophetiſchen vnd Apoſtoliſchen ſchriſtten/ das vr<sup>9</sup>theil ſprechen/ vnd die parteyen entſcheiden.

Dann wer ſeine zungen wider die ſymbola vnnd einhellige bekanntnus der furtreffenlichen hohen liechter/ in den vier orthen der alten heiligen Chriſtlichen kirchen außſtrecken vnd ſcherffen darff/ (wie vnſer Theodoretus ſpricht) welche diſe ihre leere den meertheil mit jhrem eignen blut verſigelt vnd beſte<sup>9</sup>tiget haben: da kan wahrlich ein jeder guthertziger vnd verftendiger Chriſt/ leichtlich abnemen vnd er<sup>9</sup>kennen/ was von einem ſollichen ferner zurichten vñ zuhalten ſein wōlt.

Nach dem nu diſe hochſchedliche vñ geferliche diſputationes vñ ftreithēdel/ von dē geleertē vñ aus dē ſchulē/ auch vn<sup>t</sup>er den alberē gemeinē man/ mit pre<sup>9</sup>dig<sup>t</sup>ē vñ offentlichē deutſchē ſchriſt<sup>t</sup>ē ko<sup>m</sup>en/ vñ außgegoffen werdē/ vñ auch vnſer Theodoretus diſe ſeine drey Geſprech für den gemeinen man zu ſeiner zeit geſchribē hat: ſo hab ich mich/ friedliebender vñ Chriſtelicher wolmeinung/ diſer arbeit vn<sup>t</sup>erwundē/ vnd diſes Büchlein aus Griechiſcher ſprach/ dariñ es dañ geſchriben worden/ mit hōchſtem fleiß vñ beſten tre<sup>9</sup>wen verdeutſcht/ guter hoffnung vnd zuverſicht/ wo die geleerten/ diſe meine dolmetſchūng/ beide gegen dem Griechiſchen text/ vnd anderer Latinifchē dolmetſchūng werden halten/ vnnd mit beſcheiden<sup>9</sup>heit darvon vrtheilen/ ſie werden meinen fieiß vnnd trew/ im werck ſpüren vnd befinden.

Wer

b4<sup>r</sup>

## Vorrede.

Wer aber zuzancken luft hat/ der trage es mit dem  
Theodoreto vnnd feinen zuftimmenden zeugen aus.  
Dann eben drumb/ hab ich dife tapfere richter her-  
für tretten laffen/ damit mann fie anhõre/ vnnd ich  
des lohns vberhaben fein müge/ den leider/ gewõhn-  
lich/ gute friedmacher in difer welt/ darvon zutra-  
gen pflegen.

Es wõlle aber der guthertzige lefer jmmerdar in  
frifcher gedechtnus halten/ was Theodoretus jm zu  
handlen/ in feiner vorrede fürnimpt: fo wird er dis  
Büchlein mit mehrerm verftande vnd nutz lefen wer-  
den/ vnnd nicht meinen/ das der meifter/ von feinem  
fürgenommenen wege/ zuviel abtrette.

Difes Büchlein aber/ wolgeborne Greuin/ gnedi-  
ge Frawe/ hab ewrē Gnadē ich/ als ein befond<sup>9</sup> klein-  
ot/ aus vilen beweglichē vrfachē/ zufchreibē wõllen:  
vnter welchen die fürnemeftē ift/ das ich in der alten  
lõblichen Grauefchafft Rieneck/ vnter dem wolge-  
bornen tewren vnd Chriftelichen Grauen/ Herren  
Philipfen/ Grauen zu Rieneck/ difes Itamens dem  
letzten/ Ewer Gnaden freündtlichē liebē Herrē vnd  
Gemahel/ lobfeliger gedechtnus/ in die sechszechē ja-  
re/ vñ nach jrer Gnadē feligē abfcheide/ in die fibent-  
halbe jare/ vnter dem Hochwürdigftē Fürftē vñ Her-  
rē/ Herrē Danieln/ Churfürften zu Mēt3/ 7c. Meinē  
Gnedigftē Herrē/ in d<sup>9</sup> Itatt Lohre/ ein prediger vnd  
kirchendiener gewesen/ vñ mit meinen trewē mitge-  
hülffē vñ mitbrüdern/ reine Euangelifche leere/ v<sup>9</sup>-  
mittelt Gõttlicher Gnadē gefürt/ vñ beftes vermü-  
gēs gepflätzet habe: In welcher zeit dañ Ewre Gna-  
dē/ dz H. Euangeliū Jefu Chrifti/ mit besonderem  
ernft/ liebe vñ hoher trewe befürderet/ vñ/ wie Efai-  
as weiffaget/ als ein hertzliche liebe feugamme/ vnd  
forfgeltige trewe muter/ beide gegen den kirchen/ vñ  
jren dienern/ fich gnedigklich erzeiget vnnd bewifen  
haben/ vnd auch noch jmmerdar bewifen.

Weyl

b4<sup>v</sup>

## Vorrede.

Weyl dann difes Büchlein/ gantz artig vnd fein/  
 beide die perfon vnd das heylfame ampt vnfers Her-  
 ren vnd einigen Heylands Jefu Chrifti/ der maffen  
 verfichtet/ wie die reine vralte Apoſtolifche kirche  
 Chrifti eigentlich vnd gründtlich darvon geglaubt  
 vnd bekannt hat: vnd aber die kirchen in vorgedach-  
 ter löblichen Graueſchafft Rieneck/ auff keinen ande-  
 ren grundtfein/ dann eben auff difen felſen von mir  
 vnnd meinen mitbrüdern trewlich erbawet worden  
 ift: So hat michs für gantz zimlich vnd nützlich an-  
 gefehē/ dife ſchrift/ vnter Ewer Gnaden namen/ in  
 den truck zugeben: auff das hiemit auch meine Her-  
 ren vnd mitbrüder/ ſampt meinen vorigen geliebten  
 pfarr kindern/ vmb Ewer Gnaden exempel vñ na-  
 mens willen/ difes Büchlein deſto lieber vnd werder  
 zuhalten/ vnnd bey des felbigen reinen vnnd tröftli-  
 chen leere/ feliglich zuverharren/ erinnert würden.

Dann ich den geliebten kirchen in obgedachter  
 löblichen Graueſchafft/ keine ſchönere vnd herrliche-  
 re exempel/ reines glaubens vnd beſtendiger bekañt-  
 nus/ fürzufellen nicht weiſſe/ dann eben den wolge-  
 dachten tewren Helden/ Ewer Genaden löblichen  
 Herren/ ſampt Ewer Gnaden Herren gebrüdern/  
 den wolgebornen Grauen zu Erpach/ Graue Geor-  
 gen/ Eberharten/ vnd Valentin/ allen feliger vnnd  
 löblicher gedechtnus/ zu denen auch Ewere Gnadē  
 ich hiemit vorab gefetzt vnd gerechnet haben wil.

Dann/ das ich geſchweige/ was Ewer gnadē wol  
 gedachte Herren gebrüder/ für Chriftliche ritter im  
 reich Chrifti gewefen/ vnd wie ſie mit hohem verſtan-  
 de/ kunſt/ Chriftlichem eyfer vnd beſtendigkeit/ auch  
 löblicher zucht in jhren kirchen vnd hoffhaltungen/  
 vil andere jhres gleichen vbertroffen: So ift jeder-  
 menniglich wol bekannt/ wie ritterlich ſich Ewer  
 Genadē tewrer Herre von anfang/ als er ſeiner Gra-  
 ueſchafft kirchen von aller vnreinigkeit hat feuberē  
 laſſen/

c1<sup>r</sup>

## Vorrede.

lassen/ bis an sein seligs ende gehalten habe.

Was schwerer treuung vñ giftiger mörderlicher hohnfliche/ mitten vnter seinen nachbawren/ er mit starckem muth verschluckt vnnd vberwunden/ was groffer gefahre er/ in dem protestierenden Kriege/ von allen feinden vnnd freunden/ nach dem mann aus dem felde gezogen/ verlassen/ vñ vnter des Röm. Reichs acht/ mannlich aus gestanden/ vnd das giftig wunderthier/ d3 Interim/ mit nichten anemen/ auch nicht einen heller wider die Magdeburger erlegen wöllen/ ob er gleich zur selben zeit/ leibs schwachheit halben/ vaft kein gliede nicht hat können regen. Das (sage ich) ist nicht alles außzusprechen/ ich geschweige/ mit kurtzen worten zubeschreiben.

Solch vnerfchrockē lewē hertz aber/ hat jm nichts anders/ dann diese starcke grundtfeste gemacht: welche vns der heilige Theodoretus/ in der person vnd heilfamen ampt vnfers Herren Jesu Chrifti für augen stellet: auff welchem felsen/ den wolgedachten seligē Herren/ weder der teuffel noch alle hellische personen habē vberweltigen mögen/ sonder habē jme endlich vilfeltiger weise/ dē sige vñ triūph zugebē müßē.

Dann da jme zur verdonung/ der fußfall/ eine geltstraffe/ vnd die verchreibung vnd verfiglung des Interims/ in namen vnd vō wegen Röm. Keyf. May. zugemuhtet vnd aufferleget ward: da hat er sich wol zu dē zweyen ertē artickuln mit gedult erbottē: aber seinē erkanten vñ bekantē Chriftum/ gar mit nichtē verleugnen wöllen ob gleich wol hohe namhaftige personen/ vnd der Graue von Bewren selber persönlich/ jn deffelbigē beredē woltē: mit ernstlicher vermeldung/ würde er diese drey artickul zumal nicht eingehē/ so were er ein mal/ mit seinē vnterthanē/ dē vogel in dem lufft erlaubt/ dessen er sich dann gantzlich solte verfehen.

Alda aber/ ist er so wenig erblaffet/ d3 da jm in sol-

c1<sup>v</sup>

## Vorrede.

folcher vnterhandlūg/ ein Doctor zuſprach vñ ſaget:  
 er ſolte doch ſich vñ die ſeinē bedencke/ vnterſchreibē  
 vnd ſiglen: vnd darnach doch eben das Interim/ wie  
 andere meer/ nicht halten: es würde jn doch niemand  
 ſo hefftig darzu tringē: Da hat er mit hochentrüttem  
 gemūt/ an ſein ſchwert gegriffen/ vnnd mit groſſem  
 ernſt gefagt: Herr Doctor/ d3 ſolt jr ewre kinder leerē:  
 Mein vatter hat mich gelert/ w3 ich zuſage/ d3 ſol ich  
 als ein warhafftiger vnd redlicher Graue des Reichs  
 auch halten: vnd was Keyſ. May. von folchen Gra<sup>u</sup>  
 uen halten werde/ Herr Doctor/ das bedencket ein  
 andermal beſſer.

Als nu diſer fromme tewre held/ alfo von aller mē  
 ſchen hilff verlaſſen/ ſich allein ſeinem einigen Heylā  
 de Chriſto ergibt/ vnd allein auff des ſelbigē rhat vñ  
 gnedigen willen wartet: vñ man auch das ſtraffgelt  
 von jm nicht nemen wolte: Sihe/ da ſchickt es Gott  
 wunderbarlich alfo/ d3 er erſtlich/ eben in ſeiner hōch  
 ſten leibs ſchwacheit/ etliche Dōrffer im Bapftumb/  
 vmb gedachtes ſtraffgelt/ zum Pfandtſchilling auff  
 fünff3ehen Jare/ an ſich kaufft/ vnd in denſelbigē d3  
 reine Euangelium pflantzen laſſet zum anderen/ d3  
 er von ſeiner ſchweren kranckheit/ wider zimlich auff  
 kompt. Zum dritten/ das er on alle entgeltus/ Ja  
 auch on ſein wiſſen/ durch den Paffawifchen ver<sup>tr</sup>  
 trage/ aus des Reichs acht (darinnen er vber ſechs  
 Jare gewefen) ausgeſōnet wirdt. Zum vierdten/ das  
 er/ als er des lebens ſaat/ vnd wie er mir offt hertzlich  
 vnd ſchmerzlich frey bekant/ diſer welt practicken/  
 finantzen vnd vbermachten vntrew/ gantz müed vñ  
 voll gewefen/ in Chriſto dermaſſen feligklich ent<sup>er</sup>  
 ſchlafft/ das er den tode in der warheit/ weder geſe<sup>h</sup>  
 hen noch geſchmecket hat. Zum letzten/ d3 vnſer lieber  
 Herr vñ Gott/ ſeiner verlaßnē Graueſchafft (welche  
 nach ſeinem abſcheide/ vnter andere herrſchafften ko  
 men ift) diſe groſſe gnad thet/ das noch auff den heu<sup>er</sup>  
 tigen

c2<sup>r</sup>

## Vorrede.

tigen tage/ wider viler menſchen gedanckē/ Chriftus  
der Herr/ darinnen rein geprediget/ vnd feine kirch  
gnediglich erhalten wird.

Darüber billich die Chriſten/ jm hohes lob vnnd  
preyſe vorab/ mit worten vnd wercken/ zu ſagen ha-  
ben/ vnd jren gnedigen vnd gnedigſten Herrſchafft/  
einen willigen gehorſam zu leiften/ pflichtig vnnd  
ſchuldig ſind.

Difes alles aber/ wolgeborne Greuein/ genedige  
frawe/ habe ich erftlich darumb erzelen wöllen/ auff  
das alle fromme Chriſteliche hertzē erkennen mügē/  
was auch Ewere genaden/ mit jrem löblichen vnd fe-  
ligen Herren/ als fleiſch vō ſeinem fleiſche/ vn̄ gebein  
von ſeinem gebeine/ vber reiner heylfamer leere/ ge-  
dultiglich vnnd ritterlich erlitten haben: darnach  
auch darumb/ damit ſampt Ewren gnaden/ auch  
die trewe leerer vnd Chriſten in vorgemelten kirchē/  
(welche ich warlich vnd billich ſtetts in meinem her-  
tzē vmbtrage) difes Büchlein (wie vorgemeldet) lieb/  
tewr vnd werd achten/ vnd bey difer rechten/ reinen  
vnd vralten Chriſtelichen leere/ wider alle neue ſpitz  
fündige gedichte/ beftendiglich verharren wöllen.  
Darumb vnter E. gnaden namen ich es dann für-  
nemlich habe ausgehn laffen/ mit vntertheniger bit-  
te/ Ewere gnaden wöllen dife meine geringe aber  
doch guthertzige verehrung/ in allen gnaden von  
mir auffnemen/ vnd mich ſampt den meinen/ wie biß  
hero/ alfo auch fürthin/ in allen gnaden/ bevolhen  
ſein laffen. Datum Schaffhaufen am Rein/  
den andern tage Februarij/ Anno Do-  
mini 1574.

E. gnaden

vntertheniger vnd williger/  
Johann Conradt von Vlm.

Von

c2<sup>v</sup>

Von dem Chriftelichen/ friedlichen vnd feligē  
gen abfcheide/ der wolgebornē Greuein zu Rieneck/  
lobfeliger gedechtnus: welcher vorgehende vorrede zugefchriben wor  
den: aus dem fchreiben des wolgeleerten Herren Danielis Xenodo  
chi Pfarrherrn zu Protzellen vnd Hofftetten: welchen wōlgedachie  
felige Graein/ die letzte Jare jres lebens/ zum prediger ge  
habt: an Johannem Conradum Vlmerum/ den 5.  
Septemb. Anno 1574. gefchri  
ben.

ACH getrewer vnd frommer lieber Herr ge  
vatter/ ich mache es gleich lang oder kurtz/  
fo muß ichs doch/ mit großem fchmertzē  
heraus fchreiben. Es hat der liebe Gott/  
vnfern hort vnd troft/ die wolgeborne vn  
fere Gnedige frau vnd mütter zu Schönrein/ den s.  
Augufti/ zwifchen einer vnd zweyen vhren nach mit  
tage/ gantz fenfftiglich/ wie auch eben der gefalt  
vor fünffzehen Jaren jren fromen feligen Herren/  
lobfeliger gedechtnus/ als fich deffen kein menfch ver  
fehen/ aus difem Jamertal/ zu fich genommen. Dañ  
vff den 21. Februari/ fo bald jre gnaden von der leich  
der Edlen vnd tugentreichen frauen von Enheym:  
die fie als jr eigē dochter lieb gehabt/ wider zu Haus  
komen ift: Hat fie fich an allen gliedern geklagt/ vnd  
ein reiffen darinnen befunden ift doch ftetigs darbey  
gangen: gar nichts gebraucht/ weder von effen oder  
trincken. welchs jren gnaden auch nicht fchmeckē wōl  
len. Da aber die fchwacheit fich gemehrt dieweil fie  
gar nichts meer gebraucht hat fie den 15. Junij das  
heilige Nachtmal empfangen: da fich dann von der  
zeit an jre gnaden getrōft vnd gantz wacker zum fe  
ligen ende gefchickt vnd bereitet/ auch fleiffig erwar  
tet habē. Da fich aber das ftündlein herbey geneiget:  
find jre gnaden auff einem ftül gefeffen vnd gefchri  
ben: vnd als jre gnaden den griffe des todes ver  
merckt/

c3<sup>r</sup>

## Vorrede.

merckt/ vnd jren vnkrafft zukomen/ haben sie geruffen vnd in jr bettlein begeert/ vnd gefagt: Ich mus ein arbeit thun: Ach Gott/ das sie schon gethan were. Sie haben sie aber kaum in das bettlein bringen können: da hat sie jre hende zufamen selber genommen: vnd ist dahin gefuncken in difem schrecken/ hat jren eine Dienerin zugefchreyen vnd geruffen/ fir solle an jren erlöfer Jefum Chriftum gedencken/ vnd ob sie das auch thue/ jnen ein zeichen geben: Da hat sie jre hend vnd haubt hoch auffgericht/ vnd mit folchē die augen zugefchlossen/ vnd mit zweyen geeblein verfhieden/ das mans kaum vermerckt hat.

volgenden 10 Augufti/ hab ich jre gnaden selber in eine laden legen/ vnd ins Haus herab tragē helffen: vnd ist den 12. Augufti hernach früe vmb 10. vhr/ in die Kirchen zu Lohre/ neben jren lieben frommen feligen Herren gelegt vnd begraben worden. Bey d<sup>o</sup>leich sind gewefen/ der wolgebornen Grauen vnnd Herren zu Erbach vnd Eyfenberg gefandte/ sampt denen vom Adel/ fo vmb jrer gnaden Haus Schönrein wonhafftig: Jft ein vberaus groffe welt von leuten darzu komen. Dann dem Land zu Franckē/ vorab allen trewen kirchen dienern vnd leerern/ ein rechte trewe liebe Mütter geftorben ist: hat der Pfarrherr zu Lohre/ die Leichpredigt gethan. Wie es aber mit jrem Körper ordenlichen vom Haus Schönrein/ biß in die Statt Lohre jns grab/ folte gehalten werden: auch das aller geringfte vnuergelffen: Das haben jre gnaden alles mit eigener hand auffgezeichnet vnd bevolhen. Nemlich/ wie weyt man sie tragen/ führen/ welche perfonen sie vom Wagen zu Lohr annemen vnd zum grabe tragen sollen: als/ Hans Mercklein/ Lienhart Hopf/ Georg Rüpel/ Jobft Weidenweber/ Barthel Appel/ vnd Hans vnmucht. Item/ was man den tregern verehren/ den schulern vnd armen leuten an brot vnd gelt nach der begrebnus also bald

c3<sup>v</sup>

---

Vorrede.

reichen fol/ etc. Welchs alles zuschreiben viel zeit vnd  
papyr brauchen würde. Es ift vns armen Dienern  
des worts vnd allen Chriften leuten feer vnd gar vñ  
bel gefchehen: doch können vnd follen wir dem willen  
Gottes nicht widerftreben fonder viel meer Gott an  
ruffen vnnd bitten/ das auch wir vns zu vnferm ab  
fcheide/ nach jrer gnaden exempell fo Chriftelich  
vnd bedechtlich vorbereiten vnd fchickē/  
Amen. Amen.

Joan. 8.

Wahrlich/wahrlich fag ich euch: wer mein wort wirdt halten/ der  
wirdt den tode nicht fehen ewiglich.

Bekant